

KJKP "VODOVOD I KANALIZACIJA" d.o.o. SARAJEVO
v.d.DIREKTOR
Izvod broj : KZ 44/18

Sarajevo, 05.06 .2018. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 44/18 od 29.05.2018. godine, u postupku javne nabavke br. KZ 44/18, donosi se:

ODLUKA
o izboru najpovoljnijeg ponuđača

Član 1.

Prihvata se preporuka Komisije za javne nabavke o izboru najpovoljnijeg ponuđača broj KZ 44/18 od 29.05.2018. godine i ugovor za javnu nabavku robe „**Rezervni dijelovi za putnička vozila Škoda i Seat**“ – tender broj KZ 44/18 dodjeljuje se ponuđaču : „Autoelektra“ d.o.o. Sarajevo, ponuda broj: 1002-05-V/18 od 27.04.2018. godine, za ponudenu cijenu od **30.702,00 KM** bez PDV-a, kao najbolje ocijenjenom.

Član 2.

Prijedlog ugovora o nabavci dostaviti će se na potpis izabranom ponuđaču: „**Autoelektra**“ d.o.o. Sarajevo, po proteku do 10 dana, računajući od dana kada su svi ponuđači obaviješteni o izboru najpovoljnijeg ponuđača.

Član 3.

Ova odluka objavit će se na web stanici www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 44/18 od 10.04.2018. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi: 35.000,00 KM.

Obavještenje o nabavci broj: 247-7-1-74-3-146/18 poslato je na objavljivanje na Portal javnih nabavki dana 12.04.2018. godine.

Komisija za javnu nabavku, imenovana je Rješenjem br. 18-12-01/17 od 18.12.2017.godine, Rješenjem o izmjeni Rješenja o imenovanju Komisije za javne nabavke br.23-02-01/18 od 23.02.2018.godine i dopunskim Rješenjem članova komisije br. KZ 44/18-1 od 10.04.2018. godine.

Komisija za javnu nabavku dostavila je dana 31.05.2018. godine, Preporuku o izboru najpovoljnijeg ponuđača broj KZ 44/18 u postupku javne nabavke roba : „Autoelektra“ d.o.o. Sarajevo, – tender broj KZ 44/18

Komisija za javnu nabavku je sačinila odgovarajuće zapisnike u kojima je utvrđeno sljedeće :

- Da je ukupan broj pristiglih ponuda : 3 (tri) ponude – „Auto Aki“ d.o.o. Travnik; „Kare“ d.o.o. Sarajevo i „Autoelektra“ d.o.o. Sarajevo
- Da su blagovremeno zaprimljene : 3 (tri) ponude – „Auto Aki“ d.o.o. Travnik; „Kare“ d.o.o. Sarajevo i „Autoelektra“ d.o.o. Sarajevo
- Da dostavljene ponude ponuđača „Auto Aki“ d.o.o. Travnik; „Kare“ d.o.o. Sarajevo i „Autoelektra“ d.o.o. Sarajevo, ispunjavaju zahtjevane tenderske uslove prema obliku i potpunosti u smislu pripreme ponude.
- Pregledom ponude ponuđača „Auto Aki“ d.o.o. Travnik; „Kare“ d.o.o. Sarajevo i „Autoelektra“ d.o.o. Sarajevo, konstatovano je da isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.
- Daljim pregledom ponuda ponuđača „Auto Aki“ d.o.o. Travnik i „Kare“ d.o.o. Sarajevo konstatovano je da su ponuđači „Auto Aki“ d.o.o. Travnik i „Kare“ d.o.o. Sarajevo u svojim ponudama vršili ispravke koje nisu urađene u skladu za zahtjevima iz tačke 17.1 tenderske dokumentacije „Ispravke u ponudi“.

Naime, izvršene ispravke u ponudama ponuđača „Auto Aki“ d.o.o. Travnik i „KARE“ d.o.o. Sarajevo nisu u skladu sa tačkom 17.1 tenderske dokumentacije „Ispravke u ponudi“ koja određuje da ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), a prilikom ispravke potrebno je : precrtati/prekrižiti raniji dio teksta ili cifre i umjesto njih napisati novi tekst ili cifru, potpisati i ovjeriti pečatom, potvrđene svojeručnim potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Ponuđači „Auto Aki“ d.o.o. Travnik i „KARE“ d.o.o. Sarajevo su izvršili ispravke, ali ne na zahtijevani način u sljedećim dijelovima svojih ponuda :

Ponuđač: „Auto Aki“ d.o.o. Travnik

- Obrazac za cijenu ponude - Aneks III; Prilog 2. – ispravka urađena u koloni 10. „Ukupna vrijednost u KM bez PDV-a“, strana 35. ponude.

Pregledom ponude ponuđača „Auto Aki“ d.o.o. Travnik konstatovano je da navedeni ponuđač u svojoj dostavljenoj specifikaciji, koja je sastavni dio Obrasca za cijenu ponude – Aneks III, Prilog 2., nije popunio kolonu 5. „Standard-kvalitet“ i kolonu 6. „Kataloška oznaka“.

Ponudač: „KARE“ d.o.o. Sarajevo

- Obrazac za cijenu ponude - Aneks III; Prilog 2. – ispravka urađena u specifikaciji, „Ovjes prednjeg trapa“ stavka pod rednim brojem 1. „ Aksijalni ležaj prednjeg amortizera KPL“ u koloni 9. „ Jedinična cijena u KM“, koloni 10. „Ukupna vrijednost u KM bez PDV-a“, koloni 12. „Konačna jedinična cijena bez popusta ili sa popustom u KM (ukoliko se nudi)“ i koloni 13. „Konačna ukupna vrijednost u KM bez PDV-a“, strana 7. ponude.
- Obrazac za cijenu ponude - Aneks III; Prilog 2. – ispravka urađena u specifikaciji, „Elektrooprema“ stavka pod rednim brojem 85. „Pokazivač pravca bočni“ u koloni 10. „Ukupna vrijednost u KM bez PDV-a“, strana 11. ponude.
- Obrazac za cijenu ponude - Aneks III; Prilog 2. – ispravka urađena u specifikaciji, „Šasija“ stavka pod rednim brojem 99. „Bočno ogledalo“ u koloni 9. „ Jedinična cijena u KM“ i koloni 10. „Ukupna vrijednost u KM bez PDV-a“, strana 13. ponude.
- Obrazac za cijenu ponude - Aneks III; Prilog 2. – ispravka urađena u specifikaciji, „Šasija“ stavka pod rednim brojem 148. „Šteka zadnjih vrata“ u koloni 10. „Ukupna vrijednost u KM bez PDV-a“, strana 21. ponude.
- Obrazac za cijenu ponude - Aneks III; Prilog 2. – ispravka urađena u specifikaciji, „ Elektrooprema“ stavka pod rednim brojem 71. „Grijač motora“ u koloni 9. „ Jedinična cijena u KM“ i koloni 10. „Ukupna vrijednost u KM bez PDV-a“, strana 26. ponude.
- Obrazac za cijenu ponude - Aneks III; Prilog 2. – ispravka urađena u specifikaciji, „Motor“ stavka pod rednim brojem 58. „Španer zubčastog remena“ u koloni 10. „Ukupna vrijednost u KM bez PDV-a“, strana 32. ponude.

Obzirom da izvršene ispravke u ponudama nisu urađene na zahtijevani način, komisija konstatuje da ponude ponudača „Auto Aki“ d.o.o. Travnik i „KARE“ d.o.o. Sarajevo nisu ispunile zahtjeve ugovornog organa tražene tačkom 17.1 tenderske dokumentacije, te se iste u skladu sa članom 68. stav (4) pod i) odbacuju kao neprihvatljive.

- Daljim pregledom ponude ponudača „Autoelektra“ d.o.o. Sarajevo od strane stručnih lica za predmetnu nabavku konstatovano da ponuda ponudača „Autoelektra“ d.o.o. Sarajevo ispunjava postavljene zahtjeve u pogledu opisa predmeta nabavke i tehničke specifikacije.

- Računskom kontrolom specifikacije ponude ponudača „Autoelektra“ d.o.o. Sarajevo, konstatovano je da u ponudi nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponudača „Autoelektra“ d.o.o. Sarajevo iznosi **30.702,00 KM bez PDV-a.**

Iz gore navedenih razloga, primjenom člana 64. stav 1. tačka b. ZJN , donesena je Odluka o izboru najpovoljnijeg ponuđača kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :

- Ponudačima

- a/a

Si
Madar
du



v.d. Direktor

Azra Muzur

Azra Muzur, dipl.inž.grad.